

Акафист святым сестерам-мученицам Минодоре, Митродоре и Нимфодоре

Кондак 1

Избранных из среды мира сего потопляемого в суетном море, и явльшихся душ Жениху Христу невестами верными даже до крове, восхваляем вас, девы и страстотерпицы Минодоро, Митродоро, Нимфодоро. Уповающе на молитвы, покровительство и помощь вашу, зовем вам: Радуйтесь, невесты Христовы Минодоро, Митродоро, Нимфодоро, о спасении нашем молитвенницы предивныя.

Икос 1

Ангельстей чистоте возревновавши, чистоту души и тела, яко дар Троице Святей, ревностно сохранили есте. И ныне со Ангелами и со всеми святыми молитесь за нас, немощных и расслабленных, да востанем твердо на путь спасительный, взывающе вам: Радуйтесь, измлада себе Троице Святей посвятившия. Радуйтесь, чистоту, любовь и веру от родителей своих приявшия. Радуйтесь, от единыя утробы родившияся. Радуйтесь, во святем крещении Духом сроднившияся. Радуйтесь, невесты Христовы Минодоро, Митродоро, Нимфодоро, о спасении нашем молитвенницы предивныя.

Кондак 2

Видя, како трудно, живя среди мира грешнаго и прелюбодейнаго, сохранить себе в чистоте для Жениха своего, Христа Бога, последовали есте Его призыву: «изыдите от среды людей сих и отлучитесь, и нечистоте их не прикасайтесь, и Аз прииму вы», непрестанно поющия: Аллилуиа.

Икос 2

Всего более возлюбив девственную чистоту души и тела своего, видя, яко токмо сия чистота угодна Небесному Жениху, оставили есте среду людей, ищущих себе плотския наслаждения, и потекли по примеру Господа, распявшагося «вне стана», в пустынное, возвышенное место, да и мы, научени вашим спасительным побегом от соблазнов, возопием вам таковая: Радуйтесь, своим намерением сохранить себе в девственной чистоте Богу угодившия. Радуйтесь, свою чистоту Жениху Небесному посвятившия. Радуйтесь, яко следуя решению сему спасительному бежали есте от суеты. Радуйтесь, на холме пустыннем явились, яко благоуханныя цветы. Радуйтесь, невесты Христовы Минодоро, Митродоро, Нимфодоро, о спасении нашем молитвенницы предивныя.

Кондак 3

Достигнув сего пустынного места, яко некоей обители среди природы, Богом зданныя, украсили есте е своим житием во Христе, непрестанными молитвами и постом любовь свою Богу являя, поюще Ему: Аллилуиа.

Икос 3

Елико сердце, исполненное любовию, ищет уединения с любимым и тишины, тако и вы среди тишины сей Богом зданныя обители непрестанно трудитесь сердцем и умом, дабы уединитися душею с возлюбленным и вас возлюбшим Творцем. Мы же, грешнии, аще и во уединении от мира находимся: во храмах и обителях, в суете присно пребываем, но на вашу жизнь взирающе, душу вновь горе устремляем и со умилением вопием: Радуйтесь, не людей, а суетность их жизни отвергшия. Радуйтесь, не покой земный, а любовь Христову обретшия. Радуйтесь, обитель, Богом зданную, не осквернившия суетою. Радуйтесь, не земную любовь искавшии, а Божию всею душею. Радуйтесь, невесты Христовы Минодоро, Митродоро, Нимфодоро, о спасении нашем молитвенницы предивныя.

Кондак 4

Издетска приявшия во святем крещении семена любве Христовы и сохранившия землю сердца своего чисту, не засорену тернием похотливых желаний и не опалену зноем страстей, усердно удобряете ю питательнейшею пищею райскою — Хлебом Небесным. И в нюже меру укрепляешся в сердцах ваших любовь Христова, в туюжде навыкасте пети от сердца Богу: Аллилуиа.

Икос 4

Господь наш, яко чадолюбивый Отец, пекущийся о спасении чад Своих, являет нам, неразумным, образ вашего попечения о спасении души. Мы же, научаяся от вас, девы святыя, сему деланию, просим помощи вашей и поем вам: Радуйтесь, яко во крещении святем семена любве Божия обретшия. Радуйтесь, яко и нас к познанию о сем богатстве, его же мы имеем, приводящия. Радуйтесь, Хлебом Небесным, спешшим с небес, питавшиися и сего ради в душе возрастившия древо веры, надежды и любве. Радуйтесь, яко вашими молитвами и заступлением от сего глада духовнаго будем избавлени и мы. Радуйтесь, невесты Христовы Минодоро, Митродоро, Нимфодоро, о спасении нашем молитвенницы предивныя.

Кондак 5

Видя Господь ваша слезы и труды, ради Него вами подъятыя, исполнил есть ваша сердца через край Своею любовию, и потекли от

вас реки чудес, исцелений и утешений, да вси вас ради воспоют Богу: Аллилуиа.

Икос 5

Любовь Божия — многоценный бисер для души. По слову бо святого праведнаго Иоанна Кронштадтскаго, величайший дар человеку — Бог в сердце. И кто възыщет сей бисер, обретет мир, радость, свет, свободу, жизнь. Мы же, яко нищии, к вам, святые девы, богатым сим даром, възываем: Радуйтесь, единаго Бога възлюбившия, и посему Божию любовь обретшия. Радуйтесь, Женихом Христом исполненный явились есте, яко источницы чудес и исцелений к нуждающимся и жаждущим потекшия. Радуйтесь, помозите и нам в своих сердцах отвергнути суету и быти верными единому Христу. Радуйтесь, и к нам, расслабленным и немощным, направляющия любви вашей живительную, благодатную струю. Радуйтесь, невесты Христовы Минодору, Митродору, Нимфодору, о спасении нашем молитвенницы предивныя.

Кондак 6

Позавидовав князь тьмы, якоже прежде Адаму с Евой, вашей чистоте и жизни во Христе, и имея из среды людей, преданных ему, научает некоего князя мирскаго схватити и мучити вас, присно воспевающих Богу: Аллилуиа.

Икос 6

По реченному Господом: «Аще были от мира сего, мир убо свое любил бы, но яко Аз избрах вас от мира, сего ради ненавидит вас мир» и вас, възлюбленные агницы Христова стада, возненавиде мир и в лице богоотступников влече вас из възлюбленных обители на нечестивое судилище. Мы же, пребывающе в мире сем и почести и одобрение от него приемлюще, со стыдом и страхом възываем к вам: Радуйтесь, Богом избранныя от мира сего погибающаго и сего ради миром возненавиденныя. Радуйтесь, от тех, кто мертв душею, мучение Христа ради приявшия. Радуйтесь, и нам, во крещении Богом избранным, о сем избрании возревновати помозите. Радуйтесь, нам, духовно расслабленным и в житейском море потопляемым, яко Христос Петру, руку помощи прострите. Радуйтесь, невесты Христовы Минодору, Митродору, Нимфодору, о спасении нашем молитвенницы предивныя.

Кондак 7

Видя вашу красоту, на лица ваша изливающуюся от сердца, увещеннаго Христу, враг нагло желая ю, намеревашеся обольстити вас обещанием временных почестей и удовольствий, но ни в чесом же

успев, посрамлен юными девами явися. Мы же, издетска сластем земным навыкохом, и сами дивимся, како еще не оставихом в мале воспевати Богу: Аллилуиа.

Икос 7

Бог есть источник красоты, гармонии красок и величин. И всяк, имущий в сердце Бога, прекрасен, в коем возрасте ни пребывал бы. Сия красота Божия, на вас запечатленная, очи вражии ослепи, яко светом солнечным. Мы же, не имущии попечения о взыскании сердцем Бога, пецемся о внешней своей благовидности, но внутренняя нечистота выступает на наша лица. Сознавая сие наше горькое положение, не завидуя, а ревнуя о вашей небесней красоте, зовем вам: Радуйтесь, даром Божиим — красотою, яко невесты, Христу украшенныя. Радуйтесь, в чертоги Спасовы приятыя и собою Небо украсившия. Радуйтесь, яко ваша лица прекрасная нашу неблаговидность обличают. Радуйтесь, и нам помозите украситися верою и любовью ко Христу, ибо сего наша души чают. Радуйтесь, невесты Христовы Минодоро, Митродоро, Нимфодоро, о спасении нашем молитвенницы предивныя.

Кондак 8

Тщетны явишася потуги врага соблазнити вас смердящими утехами временныя сея жизни. Да и како возможно бе на сии соблазны взирати сестрам, присно вкушающим сладость небесную вечную и воспевающим Богу: Аллилуиа.

Икос 8

«Кая польза человеку, аще мир весь приобретаец, душу же свою отщесит» — сие измлада уяснили есте себе сестры-мученицы. Убежав посему от прелести и соблазнов мира суетнаго и отвращался его, яко душевреднаго, хранилися во обители богозданней. Видя вашу адмантову твердость против немощных стрел — соблазнов вражиих, поем вам: Радуйтесь, непоколебимии столпи тверди церковныя. Радуйтесь, и нам помозите избавитися жизни греховныя. Радуйтесь, оружием любве к Богу врага немощнаго низложившия. Радуйтесь, и нас, находящих всегда причину не молитися, примером вашей молитвы к подвигу сему подвигшия. Радуйтесь, невесты Христовы Минодоро, Митродоро, Нимфодоро, о спасении нашем молитвенницы предивныя.

Кондак 9

Видя, яко мнозии соблазны, нестроения и раздоры исполниша церковь Русскую, и истинная чада ея в притеснении и поношении и гладе духовнем пребывают, Господь, яко Глава Церкви, яви вас, яко

светильник, да указывает нам путь ко спасению, да укрепит нас, разслабленных в вере, с упованием и благодарностию взывати Богу: Аллилуиа.

Икос 9

Яко светильник, яко столп, иже указываше путь древле пешешествующу Израилю, явилася в нынешнее последнее время икона святых дев-мучениц в России. Мы же, радуясь сему явлению, яко поводырю слепый, яко разслабленный радуется носильщиком, поем вам: Радуйтесь, иконою вашею нас вразумляющия. Радуйтесь, житием вашим нас в малодушии и нерадении обличающии. Радуйтесь, яко лица ваша небесную отражают красоту. Радуйтесь, яко их свет мысли наша землеретная возводит на высоту. Радуйтесь, невесты Христовы Минодору, Митродору, Нимфодору, о спасении нашем молитвенницы предивныя.

Кондак 10

Явльшаяся чудная икона сия Божиим Промыслом доставлена баше на святую гору Афон — удел Божией Матери. Иноцы же с трепетом и радостью, яко обретенному драгоценному бисеру, поклонишася иконе сей и, узревши в сем спасающий перст Божий, воспеша: Аллилуиа.

Икос 10

Иноцы святыя горы Афон, воззревши на икону святых дев-мучениц, возрадовашася таковому спасительному смотрению Божиему о России и всем мире христианстем и, наученнии Духом Святым, умильно воспеша: Радуйтесь, сестры, о единении всех любовью Христовою молитвенницы всесильныя. Радуйтесь, сестры, о прекращении раздоров и кровопролитных воин ходатаицы, Богом явленныя. Радуйтесь, девы, в девстве и чистоте пребывающим помощь и укрепление. Радуйтесь, девы, во страстех и похотех жизнь провождающим крепкое обличение и вразумление. Радуйтесь, невесты Христовы Минодору, Митродору, Нимфодору, о спасении нашем молитвенницы предивныя.

Кондак 11

Праведнаго Иоанна Кронштадтскаго, яко вернаго друга Христова, яко девственника, яко Российскаго молитвенника, дерзновеннаго и любвеобильнаго пастыря и истиннаго собрата вашего, посетили есте, мученицы святыя. И обретши в его обители сердца, сродная себе, возжгосте в сестрах ревность о чистоте и молитве живеи. Тыя же, хоть и малым числом, воспеша Богу: Аллилуиа.

Икос 11

И потече сия икона, носимая на руках христианския общины, именуемая в честь святых мучениц, во обители святых Сергия Радонежскаго, Серафима Саровскаго, Амвросия Оптинскаго и прочия обители, везде привлекая к себе сердца, верныя Богу. Все же, дивящися и лобызающе образ дев, воспеша им: Радуйтесь, яко со всеми святыми лик молитвенный ко Святей Троице о мире и любви составившия. Радуйтесь, монахов и мирян за мир погибающий молитися подвигнувшия. Радуйтесь, яко путь ко Христу через единение с Ним во Святем Причащении пребыванием своим во обители Кронштадтскаго пастыря вновь указующия. Радуйтесь, яко на сей кратчайший путь к Богу в наша последняя времена, яко единый с путем мученическим, указующия. Радуйтесь, невесты Христовы Минодору, Митродору, Нимфодору, о спасении нашем молитвенницы предивныя.

Кондак 12

Благодатных даров Духа Святаго кладезь преисполненный яви вас Господь через вашу святую, мученицы, икону. Да взирающе на ню, и мы возревнуем о жизни богоугодней и причастницы сих даров явимся. И ведуще, яко ждет Господь нашего покаяния и исправления нашея жизни во Христе, воспоем Ему: Аллилуиа.

Икос 12

Воспевающе вашу чудесную жизнь и честная, славная страдания Христа ради и явление иконы, молим вас, святые девы-мученицы Минодора, Митродора, Нимфодора, вознесите ваша молитвы к Богу за нас немощных, разслабленных и нерадивых, и помозите жизнь нашу исправить. И на страшнем суде Божием не оставьте нас ходатайством вашим, да спасаемы вашими молитвами тако вам воззовем: Радуйтесь, богоизбранныя, чистотою вашею нас жити богоугодно побудившия. Радуйтесь, яко мироточением обильным иконы вашея нас возвеселившия. Радуйтесь, благоуханныя цветы райския, души наша миром и любовью исполняющая. Радуйтесь, местонахождение иконы вашея образом жизни вашея указующия. Радуйтесь, невесты Христовы Минодору, Митродору, Нимфодору, о спасении нашем молитвенницы предивныя.

Кондак 13

О, святые мученицы-сестры, девы Минодору, Митродору, Нимфодору, наша молитвенницы немолчныя и наставницы жизни чистыя, святые, богоугодныя — жизни во Христе! Примите нынешнее наше моление и помозите нам достойно прейти сию временную жизнь и достигнути Царствия Божия, воспевая с вами Богу: Аллилуиа.

(Этот кондак читается трижды, затем икос 1 и кондак 1)